

武陵縣志卷之三十九

同治壬戌編成

陽湖 惲世臨鑒定

邑人 陳啟邁纂輯

人物志第五

耆宿

虞

善卷者邑高士也堯師事之莊子云舜以天下讓善卷不受曰日出而作日入而息逍遙天地之間而意自得吾何以天下為哉宋政和間封墓立祠賜號遁世高蹈先生李燾撰善卷祠記今郡城南有善卷村釣臺故址猶存

府志

武陵縣志

卷之三十九

人物志

耆宿

晉

閻曾邑人避地涼州張茂築靈鈞臺民苦其役曾夜叩門呼曰武公遣我來曰何故勞百姓築臺乎武公茂父軌私謚也姑臧令辛巖請以妖妄殺之茂曰吾信勞民曾稱先君之令何謂妖乎遂罷其役

通志

伍朝字世明閒居樂道不修世事以博士徵不就刺史劉宏薦為零陵太守主者以非選例不聽尚書郎胡濟曰朝游心物外不屑世務守靜衡門志道日新年過耳順而所尚無虧誠江南奇才邱園之逸老也且白衣為郡前漢有舊宜聽光顯以獎風尚奏可朝不就終於家

晉書

龔元之字道元父登歷長沙相散騎常侍元之好學潛默安於陋巷州舉秀才公府辟不就孝武帝下詔曰譙國戴逵武陵龔元之並高其操依仁游藝朕虛懷久矣可並為散騎常侍領國子博士所在備禮發遣郡縣敦迫苦辭疾篤不行弟子元嘉亦有德操舉秀才及州辟稱疾不就孝武帝以太學博士散騎常侍給事中累徵不起

晉書  
案晉書及水經注俱作龔惟康熙字典引通志氏族略入龔字注下今從之

南北朝宋

龔祈字孟道從祖元之父黎民不應徵辟祈年十四鄉舉及州辟皆不就風姿端雅中書郎范述見而歎曰此荆楚仙人

武陵縣志

卷之三九

人物志 著宿

二

也賦詩言志不及世事

宋書

宋

楊纘邑人也棄官隱桃源山崇甯間賜號冲真處士

明一統志

楊枋號存齋弟岳號字溪師事晏涪陵源流得之朱子時稱

枋為大楊先生岳為小楊先生

案姓氏譜謂二楊師事朱晦菴友其門人晏敦復考朱子文集並無二楊問答晏敦復乃晏殊曾孫亦非朱子門人惟朱彝尊經義考云二楊之學本於朱子門人晏氏黃晉卿所謂大楊先生枋小楊先生岳也但楊皆作陽四川總志指為銅梁人著有存齋易說字溪易說其後又有玉井易說而楊用修全蜀藝文曹能始記蜀中著作均未之及然則二楊殆武陵人流寓西蜀者歟而舊志又訛晏為晏蓋因姓譜而誤

馮洽字深之朱子門人馮椅弟子也手錄性理諸書誦說不

厥通志

丁易東字漢臣咸淳戊辰進士太府寺簿丞兼樞密院編修官入元屢徵不起築石壇精舍捐田以贍學者事聞賜額沅陽書院著有梅花詩百餘律周易象義十六卷大衍索隱三

卷府志

按湖南通志丁易東龍陽人四庫書目作武陵人沅陽書院遺址在郡城東一里不在龍陽其為邑人無疑舊府志諱為龍陽人通志蓋因之

明

張致和建文己卯舉人四川仁壽縣教諭有學行施教無間寒暑秩滿諸生願留復任二十年

武陵縣志

卷之三九

人物志

耆宿

三

胡贊景泰癸酉舉人任仁和教諭善課士校文廣西稱得人喜吟咏手不釋卷以上壽終府志

陳良字時佐成化庚子舉人祖春雲南澂江府推官父鏞浙江海甯衛經歷良歷官開縣武進京衛三學教職嚴立條格日具公服與諸生析經史無懈容皆感勵嚮學分校福建浙江鄉試有精鑑以子洪謨貴贈如其官祀鄉賢湛若水撰神道碑李東陽撰墓志銘著有開縣志西谷漫草府志

楊應源字崑東隱居終身王守仁與之講學寄書云菘蘿別後脫盡鳩媒歷覽青溪雲林步步尋到源頭覺此道中另闢一番幽邃世界斜陽古驛芳草天涯間時讀君近作古文詞

欲歌欲泣不須把酒讀離騷也易詮錯綜盡致而取象處不出考亭法門某竊謂宋儒釋經只是天地間糟粕物事耳杜句重與細論文不足爲外人道也浮梗薄軀有時邀恩歸里當訪君於桃花流水間君其掃開閭巷以待

楊氏譜

冀元亨字維乾正德丙子舉人王守仁謫龍場往師焉在贛又從之守仁屬以教子宸濠懷不軌而外務名高貽書守仁問學守仁使元亨往宸濠語挑之佯不喻獨與之論學宸濠目爲癡他日講西銘反覆君臣義甚悉宸濠亦服厚贈遣之元亨反其贈於官宸濠敗張忠許泰誣守仁與通宸濠言無有詰不已日獨嘗遺冀元亨論學忠等大喜榜元亨加以炮

武陵縣志

卷之三十九

人物志

耆宿

四

烙終不承械繫詔獄世宗嗣位言者交白其寃出獄五日卒元亨在獄善待諸囚若兄弟囚皆感泣其被逮也所司繫其妻李無怖色曰吾夫尊師樂善豈他慮哉獄中與二女怡麻桌事且白守者欲出之日未見吾夫出安往按察諸僚婦聞其賢召之辭不赴就見則囚服出手麻桌不釋問其夫學曰吾夫之學不出閨門衽席之間聞者悚然入祀鄉賢

明史王守仁傳

參儒學案

唐相嘉靖壬辰進士與蔣信爲同年友而師事之樂道不仕號陶山先生著有甘露集闡微奇言及踏莎草詩集祀鄉賢二子達祀鄉賢子盛萬歷己卯舉人知萍鄉縣

府志

賀廷夔字慄齋嘉靖貢生廷試第一除知會昌縣有循聲引疾歸壽八十六同陳洪謨輯府志

賀志

胡維字用乾嘉靖貢生事蔣信參慎獨之旨桃岡講學推維

第一 府志

徐仲文嘉靖辛酉舉人以孝友稱從蔣信學所得最深授江

澤知縣孫之初萬歷丙子舉人歷官廣州海防同知

府志

譚憲字慎之少以孝稱親喪廬墓三年巡按學使屢旌獎之

嘉靖時以貢生授祥符訓導移陝州學正主河洛書院講求

濂洛之傳士興於學祀鄉賢

通志

姚士賀志英字子發萬歷貢生師事蔣信弟士才亦好學時

作世

武陵縣志

卷之三十九

人物志

耆宿

五

稱士英為大姚先生士才為小姚先生士才子學閔傳見仕

蹟 府志

曹司忠萬歷貢生官安仁教諭以敦倫勵名教為先務嚴立

課程捐俸置祭器鑿泮池建門廡一時學校振興

通志

楊時芳字仲行萬歷貢生補南郡司訓不赴校刻蔣信桃岡

日錄訂定薛文清年譜捐金修潛水橋建德山石塔八方樓

府學鼎文閣以子鶴孫嗣昌貴贈如其官

府志

賀奇字天放崇禎拔貢考授中書舍人擢兵部職方司主事

監軍監察御史後祝髮裁眉隱滇黔間幾二十年 國朝以

當路薦不起遊晉聘修霍州志郡守胡向華延修郡志

府志

國朝

劉注字方枚與兄漢康熙丁卯同榜舉人歷官寶慶教授署臨湘縣有政聲擢知平樂縣年已七十乞休歸著有喬湖詩

草

府志

劉體安昌臣子康熙歲貢選黃陂訓導著祀典輯要詳禮器樂舞之制改茶陵值寇亂陞賊大罵自刎不殊賊遁乃蘇

府志

陳應元康熙癸酉舉人家素裕好善不倦子弟多俊秀從子

長箴康熙己卯舉人孫詩韻好學屢躋文場楊超曾總督兩

江延致幕中及歸厚贈之堅辭不受超曾薦其賢於學使詩

韻聞之不赴試族曾孫儀禮兩被回祿貧無立錐戊戌饑有

武陵縣志

卷之三九

人物志

耆宿

六

發嫂再醮儀禮自外至餓踣於地族人分給糜貲八兩竟却

之

府志

歐陽謙字吉六康熙甲午舉人歷官永州教授訓士皆準先

儒矩矱學者宗之制藝傳誦一時

府志

唐待徵字曉村雍正元年

詔舉孝廉方正邑紳推薦之辭

不赴以明經選湘陰教諭著有德山志梯霞堂集

府志

張德寬雍正壬子亞元陳恪虞蕭士綬曹岱乾隆貢生楊大

本高應昇王用章皆諸生動止不苟以古賢行誼相勵為文

醇雅有典則教授生徒出其門者多彬雅好修之士貢生張

方樂楊纘諸生歐陽眷陳同文風概亦復相類

府志

戴緯字星杼雍正貢生與友人高余養講易於柳葉湖著有

周易訓蒙指掌圖說 府志

向離字南陽幼為舅氏胡某館僮聞塾師講經輒有悟夜稍

暇丐殘紙學書點畫頗端胡異之令從師讀給以衣食逾歲

能文中雍正乙卯舉人任祁陽教諭

余演字震衍雍正拔貢善詩工書任鄆縣教諭卒年八十二

府志稿

丁用超字志遠邑廩生讀書過目成誦淹貫經史終日衣冠

危坐授徒多所成就 府志

周日章字闇然邑庠生少與楊超曾同學後超曾貴顯欲薦

武陵縣志

卷之三十九

人物志 耆宿

七

之屢遣使致書辭不往勤於學全唐詩及漢魏以下賦皆手

錄焉 府志

彭逢年字對陽乾隆貢生聰敏好學經史子集及百家技藝

皆撮其要繕再盈倉所臥小樓四壁皆畫天象於舊圖每有

增減兼通醫術精邵子皇極數沒時自焚其書丁良弼邑庠

生與里人郭粹皆逢年中表良弼通達簡默年六十餘猶能

默誦六經三史亦通數學粹家苦貧勤學絕意仕進授徒以

身教勸彌禮法雖隆冬盛暑不倦手錄朱子大全及諸史天

文星象書不下等身 府志

湯璋乾隆丁卯舉人幼穎悟讀書數行俱下淹貫經史尤精

於易選湘陰教諭與諸生講學不受修脯貧者更資助之年  
七十四卒於署諸生經紀其喪送柩歸執紼者百餘人 府志

周如轍字亞蘇乾隆貢生性利易所教多成任桂陽教諭年  
八十三卒於官桂人士祀其主於 澗溪祠 府志

歐陽淑字孔淵少孤其母教養成立以歲貢授郴州訓導里  
居時賑貧恤孤人多稱之 府志

余載祖字伯賢家赤貧拾遺金十餘兩候失者還之子勳乾  
隆貢生遂於經授徒里中學者多賴成就 府志

張其緒字述三乾隆甲午舉人選嘉禾教諭勤慎修潔邑稱  
得師 府志

武陵縣志

卷之三十九

人物志 耆宿

八

堵廷璧字倉一乾隆貢生選辰州訓導倡修學宮有庠生兄  
弟爭產結訟十餘年廷璧立解之咸愧悔年九十卒 府志

楊健字任菴父秦紘性耿介樂與賢士交流賊王馬亂後鄉  
里廢詩書延師教子病革時戚族省視猶以子孫雖愚經書

不可不讀為誠卒年八十八健中乾隆壬申 恩科鄉試除  
石門教諭歷九年告歸孫曾林立列庠序者十有六人自石

門歸時以文藝相指授繞膝莫能辨也所居產芝顏其室曰  
芝莊乾隆庚戌所司以五世同堂題奏 賜銀幣及耄齡垂

裕額時壽九十踰年卒子文才貢生邑令楊鵬翱采輯郡志  
文才與焉孫丕復丕樹俱別有傳丕嘉貢生宜章教諭曾



大章自有傳彝珍道光壬辰舉人庚戌進士改庶吉士散館授兵部主事

府志

陳汝霖字筆人乾隆壬申副貢以孝友稱嗜古探幽不憚險遠郡北紱紫山相傳有管白雲墓霖披剔荒榛得之知府呂

肅高爲樹碣

府志

莫惟毅字貞夫增貢生性嚴正人有過必正色相規終日危

坐未嘗傾欹兼工醫術與楊世祿陳詩礪等倡修縣學質產

捐貲以葺事士林稱之

府志

陳詩礪字夢錫廩貢生少貧嗜學母丁氏課之嚴性友愛兄弟不能娶以館穀所積貲各爲授室先後銷郡守葉馨陳三

武陵縣志

卷之三九

人物志

耆宿

九

辰署中嚴重寡言笑未嘗有所竿牘人以是多敬憚之門下遊庠者五十餘人董修縣學監工作寒暑無少間子丕禮傳學工文嘉慶辛酉拔貢考選覺羅教習丞禮邑庠生以孫啟邁貴贈如其官

府志

陳疇字錫園乾隆貢生性穎悟過目不忘作文日可十數藝幼受學於兄其仁其仁動作不苟不習舉子業貧甚日不舉

火吟咏自怡

府志稿

彭孫坦字宇平邑庠生有德望獎誘後進一善稱不絕口執經問難者以約言指示之嘗歎今人不立志以貧自解苟明於內外輕重負耒者未始不可橫經也居家儉樸門人因乏

者分館金使竟所學

府志稿

李柄字雙池邑庠生嚴正有威儀不苟諧俗設教先規矩衣

冠言動皆以法度繩之門人率多謹飭

府志稿

翁映奎字魯垣祖旭為郡經歷遂家武陵映奎行端性質館

提督俞金鼇署中訓課外一無所與

縣志稿

許南英字叔芳邑廩生性嚴重詩文雄峻邑令楊鵬翔延課

其子時奉撫軍畢沅檄纂郡志南英襄其事書成以外三縣

事跡不詳未付梓

縣志稿

戴希瑾字玉華父汝震

通志作振

壽百歲兄希謨壽百二歲嘉慶

戊午瑾年百一縣令李萬翊詳請建坊

給六品頂戴復給

武陵縣志

卷之三十九

人物志

耆宿

十

存問銀又四年卒初遷居慈利父沒獨歸每歲省視其兄徒

步往來友愛彌篤子正知正笏年皆八十餘

府志

歐陽璣邑庠生世業儒八葉青衫持身謹嚴雖盛暑不袒裼

卒年八十餘

丁奉來邑庠生家貧授徒晨起默誦先正格言率門下法守

之至老不懈壽九十二

梁一琮壽百二歲五世同堂

阮名元壽九十四歲五世同堂

曾昌阜邑庠生博涉經史至老不倦督修木瓜遠德支子等

障與工役同作息者十餘年性剛正遇孤寡體恤必周壽九

十三妻柳氏壽八十八子紀侗壽八十七孫廣生舉人官藍山教諭

周世寬字約鄰道光辛巳舉人少孤屢以貧廢學卒刻苦立晚官甯鄉訓導諸生某稱素封爲親屬所訐因所善饒五百金屬爲解於當事堅卻之武生某遭仇陷坐大辟廉知其枉力請於大府不許遂罷歸性孝友痛親不逮養自奉無兼味老尤嗜學著有詒穀堂制藝卒年七十五

蕭建寅品行端方壽九十三邑令羊拱辰給恩錫鶴齡額妻黎氏壽九十一

莫賢俊壽九十五子嗣凝壽八十六

武陵縣志

卷之三十九 人物志 耆宿

十一

蕭宏高周德位壽九十一龍尙鑣壽九十六楊越曾壽九十七莫及忠壽八十七五世同堂

論曰洪範五福壽居其一人生世上與其穰桃李之華而先零也無甯葆松栢之操而後彫乎邑之耆宿大率端品積學不得竟用於時而槁壤黃馘以老或且惜焉然生得優游杖履沒猶傳誦典型古之所謂鄉先生可祭於社者其膺福爲何如也

武陵縣志卷之三十九終

同治癸亥  
復本